



UNIVERSITÄTS-
BIBLIOTHEK
PADERBORN

Universitätsbibliothek Paderborn

Reginonis Abbatis Prumiensis Libri Duo De Ecclesiasticis Disciplinis & religione Christiana

Regino <Prumiensis>

Parisiis, 1671

60. Ut altaria mundissimis linteis cooperiantur; & ut Presbyteri feminis
prædicent ut linteamina dent unde altare vestiatur.

urn:nbn:de:hbz:466:1-14622

De eadem re.

LIX. Interea non est leviter accipiendum quod Dominus dicit: *Domus mea domus orationis est*. Si enim domus Dei orationis domus vocatur, hoc debet esse quod dicitur, nec ibi aliud debet geri aut recondi. Ubi enim corpus Domini consecratur, ubi angelorum præsentia non dubitatur adesse, ubi sanctorum reliquiarum reconditarum venerantur, ne quid inhonestum appareat quod oculos ad orationem venientium offendat, ne quid ibi videatur quod ad lucrum temporale pertineat; sed omnia sancta, omnia munda, & tantummodo ad ecclesiasticum ministerium pertinentia.

Burchard. lib.

3. c. 86.

Eja. 38.

Ut altaria mundissimis linteis cooperiantur; & ut Presbyteri feminis prædicent ut linteamina dent unde altare vestiatur. *Ex Concilio Remensi cap. v.*

LX. Observandum est ut mensa Christi, id est, altare ubi corpus dominicum consecratur, ubi sanguis ejus hauritur, ubi sanctorum reliquiarum reconduntur, ubi preces & vota populi in conspectu Dei à sacerdote offeruntur, cum omni veneratione honoretur, & mundissimis linteis & palliis diligentissimè cooperiatur, nihilque super eo ponatur nisi capsæ cum sanctorum reliquiis, & quatuor evangelia. Expleta Missa, calix & Sacramentorum liber cum vestibus sacerdotalibus in mundo loco sub fera recondantur.

Burchard. lib.

3. c. 97.

De linteis altarium præparandis.

Ex Capitularibus.

Lib. 1. Capitular. c. 152.

Presbyteri per parochias suas feminis prædicent ut linteamina in altaria præparent.

Ut nullus Presbyter alterius parochianum ad Missam recipiat. *Ex Concilio**Nannetensi ccccxviii.*Concil. Nannet. c. 1.
Burchard. lib. 2. c. 92.

LXI. Ut dominicis vel festis diebus Presbyteri, antequam Missas celebrent, plebem interrogent si alterius parochianus in Ecclesia sit, qui proprio contempto Presbytero ibi Missam velit audire; quem si invenerint, statim ab Ecclesia eiciant, & ad suam parochiam redire compellant. Similiter interrogent si aliqui discordantes sint, qui inter se litem implacabilem habeant. Et si inventi fuerint, statim reconcilientur. Quòd si noluerint pacem suscipere, ab Ecclesia eiciantur usque quò ad caritatem redeant. Non enim possumus munus vel oblationem ad altare offerre donec priùs fratri reconciliemur. His ita peractis, sacerdotes Missarum sollempnia rite peragant.

Item ex eodem Concilio. *Ex Capitularibus.*Concil. Nannet. c. 2.
Lib. 1. Capitular. c. 153.
Burchard. lib. 2. c. 91.

Ut nullus Presbyter alterius parochianum, nisi in itinere fuerit, vel placitum ibi habuerit, ad Missam recipiat.

De oblationibus fidelium ad altare.

LXII. Si aliquid fideles ad altare offerunt, à ministro receptum post altare ponatur.